

SAN MARTIN Y LUNGIARÜ

Sorvisc Jogn: Da otober 2019 a ma 2020 (poscibilitè da arlungé cina setëmber) á jogn y jones danter 18 y 28 agn la poscibilitè da fá 8 mèisc de sorvisc zivil. L'ativité de nosta istituziun pîta l'ocajun da jî ite ti interesc dl sorvidú zivil y ti dé la poscibilitè da fá esperiënzes de valûta por le dagní. Dal laur cun i mituns al organisé proiec y manifestaziuns, dal laur de publizité cina al laur ordinar d'ofize y cotan d'ater. Domandes y info pro Valentin I 335 54 00 890 o valentin@jogn.org. An pó fá domanda cina le vëndres ai 23 d'agost 2019.

La Uniun dl Sport da San Martin mêt a jî n Curs da Nodé 2 por mituns y mitans (por progredis) cun Lorenz Clara dai 5 ai 29 d'agost tl Hotel Coronas a Al Plan, 8 iadi indôt ... *Ciarede plü avisa tl'ultima Plata*

Le grup soziopedagogich „Blanch y fosch“ y la „Jugendgruppe Gadertal“ gestida dal'asoziaziun „La Strada-Der Weg“ cun la Comunità Comprensoriala Val de Puster chir da setëmber 2019 inant locai da tó en afit a Longega, Picolin o Pederöa. La spersa damanada é de 50-80 m², da partí ite te: ofizi, 2 locai cun na picia lersch da cujiné (Teeküche), 2 closec, por podèi pitè por 4 domisdá al'edema a 8-10 scolars dla scora elementara y mesana la poscibilitè da gní daidá da fá i compic. Preïbel contatede: Birgit Harrasser (Coordinaziun) tel. 340 14 15 052 o ala e-mail: bharrasser@lastrada-derweg.org

Manifestaziuns:

„Star party“ en dedolönesc ai 30 de messé sön Börz: an podará ti ciaré ales stères cun telescops, pro musiga de clavir cun Alex Trebo. Tl caje de bur tēmp gnarà la manifestaziun spostada al dé do.

Conzert dla Musiga da San Martin ai 02 d'agost sön le paiun a San Martin dales 21.00. Tl caje de bur tēmp vègn le conzert desdit.

Roda di Morins ai 04 d'agost a Lungiarü. Na bela spazirada da ti ciaré ai morins, lapró vègnel pitè te deplü posé de buna spèisa ladina.

Badia Musiga invièia:

al conzert dl Duo Gabrielli & Visintainer (vidora y Clavir) en lönesc, ai 29 de messé, dales 21.00 tla Scora de Musiga d'Al Plan.

Tl Istitut Ladin a San Martin él da odèi la Mostra de tera cöta de Manfred Mureda cina ai 11 d'agost, dales 10.00 – 12.00 / 15.00 – 19.00.

Döt le bun a chi che complësc i agn d'agost

a San Martin

Frida Burchia Ferdigg che nen complësc 86 ai 3
Clara Vanzi Zingerle che nen complësc 86 ai 5
Clara Planatscher che nen complësc 81 ai 11
Maria Alfreider Zingerle che nen complësc 83 ai 19
Vijo Unterweger che nen complësc 85 ai 24
Angela Tavella Castlunger che nen complësc 100 ai 30



a Lungiarü

Maria Ploner Planatscher che nen complësc 82 ai 15
Linert Clara che nen complësc 82 ai 18



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

28.07. – 04.08.19 nr. 35

ultimo termo por comunicaziuns: jöbia dales 20.00

radio: 90,40 / 93,70

17ª DOMÈNIA ia por l'ann C

Vangele do Lüca 11,1-13

Gejú ti â dit a sü discepu: Canch'i periëis, dailò dijede:

Pere, al sides santifiché to inom. Al vègnes to règn.

Dasse vignidé le pan ch'i adorun. Y làscesse do nüsce piçià;
deache inçe nos ti lasciun do a vignun che nes é de debit.

Y no nes menè tla tentaziun. ...

Porchël ves diji: Periede,
spo ves gnaral dè; chiride,
spo ciararëise,
tlocorede, spo ves gnaral daurì. ...

Sce bele os, ch'i sèis ri,
ti dèis a üsc mituns ci che é bun,
tan deplü saral le Pere tl cil
che ti darà le Spirit Sant
a chi che le preia.



*I savun che Gejú viô te n raport dër datocho cun le Pere tl cil,
y al ó ch'i viunse ince nos te n raport tan tocho cun Chël Bel Dî:
Periede, spo ves gnaral dé ...; tlocorede, spo ves gnaral daurì.
Al é na bela gran impormetüda, mo gonot nes vègnel imënt le contrar.
Idî scuta, al ne ejaudësc nia, al ne fej nia. Nes ál mo bëgn aldí?
Nostes oraziuns pê che vais a öt.*

De te situaziuns n'é nia saurides da tigní fora.

Al n'é de chi che lascia da perié y che la dá sò.

*Mo por la fede él essenzial da chirí danü le contat cun Chël Bel Di.
Ince sc'i passun tres indô fora por deserc olach'al nes vègn imënt
che Chël Bel Dî ne se lascia nia adintène, messunse se recordé
che le fede é pordèrt n tru, n iade, porchël ne podunse nia s'archité.
Ci pó pa nes daidé da jî inant y nes dé forza, sce le tru devënta ri?
Gejú dijess dessigü: la oraziun, y perié sciöche él nes á insigné.*

	SAN MARTIN	LUNGIARÜ	Signur, insëgneme da perié - ch'i sunse cun mi pinsiers pro te, - ch'i ne rodes nia ma incër me ia mo ch'i me deures a te, - ch'i ne me vëighes nia ma me instës, mo ch'i vëighes ince mi vijin, - che la oraziun me sides tan importanta co le mangé: spëisa por l'anima. <i>I sun fis de Chël Bel Dî, y sciöche fis podunse se sintí tuc sö y al sigü pro le Pere tl cil. I podun ti dí "tata" y baié te chësta manira tan intíma y confidënta cun chël Bel Dî.</i>
28.07.19 17ª DOMÈNIA DL ANN C	9.00 Corona 9.30 Gran Mëssa dla Comunité cun benedisciun dl tēmp	7.55 Corona 8.15 Gran Mëssa dla Comunité cun benedisciun dl tēmp 15.00 Corona tla capela de S. Ujöp	
29.07.19 Lönesc <i>Marta da Betania, Flora, Wilhelm</i>	7.30 Mëssa (<i>don Francesco</i>) por fam. Paul Pedevilla	<i>Don Valerio con una decina di giovani orario delle celebrazioni ad libitum</i>	
30.07.19 Dedolönesc <i>Pire Crisologh, Leopold</i>	19.30 Mëssa ++ Matî y Paula Tolpeit + Mariangel Tavella ++ Cristina y Franz Conrater	<i>Don Valerio</i>	
31.07.19 Dedemesaledema <i>Ignazio da Loyola, Hermann</i>		7.30 Mëssa (<i>don Valerio</i>) + Fortunato Mischi	
01.08.19 Jöbia <i>Fonjo da Liguori, Pire Faber</i>	7.30 Mëssa + Elena Rubatscher Zingerle Corona por vocaziuns	<i>Don Valerio</i>	
02.08.19 Pröm vëndres <i>Scebio, Pire J. Eymard</i> Confesciuns sö Oies 16.30-17.30	Comuniun ai amará 19.00 Adoraziun y confesciuns 19.30 Mëssa dl pröm vëndres ++ Vanzi	7.00 Adoraziun y confesciuns 7.30 Mëssa (<i>don Valerio</i>) ++ Pio y Pire Mischi Comuniun ai amará	
03.08.19 Sabeda <i>Lidia, Benno</i>	15.30 Mëssa tla Ciasa de Palsa 18.30 Mëssa prefestia de rengraz. fam. Lorenz Planatscher por les Animes	20.00 Mëssa prefestia + Zita Dapoz ++ Gabriele Clara y Linda Clara Mühl. y ++ Milia y Franzl Costa	
04.08.19 18ª DOMÈNIA DL ANN C Domènia dla Porziuncula	9.00 Corona 9.30 Gran Mëssa dla Comunité del perdono di Assisi cun benedisciun dl tēmp	7.55 Corona 8.15 Gran Mëssa dla Comunité del perdono di Assisi cun benedisciun dl tēmp 15.00 Corona tla capela de S. Ujöp	